



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Domitii Plati Societatis Iesv Theologi, De Domini
Nostri Iesv Christi Passione**

Piatti, Domizio

Coloniae Agrippinae, 1610

Illvstrissimo Et Generosissimo Domino, D. Carolo Marchioni De Lavieville,
Baroni d'Arzillieres, de Chaluet, de Lumes [et]c.

[urn:nbn:de:hbz:466:1-49474](https://nbn-resolving.org/urn:nbn:de:hbz:466:1-49474)



ILLVSTRISSIMO
ET GENEROSIS-
SIMO DOMINO,

D. CAROLO MAR-
CHIONI DE LAVIEVILLE,
*Baroni d' Arzillieres, de Chaluet,
de Lumes &c.*



ER A mihi semper vi-
sa est ILLVSTRISS. ET
GENEROSIS. DOMI-
NE, illorum sentētia,
qui omnibus ad per-
fectionis fastigium as-

pirantibus, nihil æquè conducere ex-
istimant, quam animum in varia dif-
persum identidem ad se reuocare, à
rebus sensibilibus abducere, & ad su-
perna per frequentem rerum diuina-
rum meditationem & contemplatio-
nem erigere. Inter omnes autem me-
ditationes nulla eis conuenientior,

* 2

quam

EPISTOLA

quam suppliciorum & necis, quam
 Christus pro humani generis salute
 excepit, assidua consideratio. Nihil
 enim tam potens ad sananda consci-
 entia vulnera & imperfectiones extir-
 pandas: nihil tam efficax ad hominē
 à malo retrahendum, atq; ad bonum
 incitandum: nihil tam validum ad
 virtutes acquirendas, & ad nostram
 mentem in DEVM per amorem trās-
 formandum, quam Dominicam Pas-
 sionem incessanter animo reuoluere.
 Neque id iniuria: nam Christus Do-
 minus in ea tanquam in vitæ suæ a-
 ctu nouissimo, totam vim Christianæ
 sapientiæ exeruisse videtur, non aliter
 atque oratores periti in Epilogo, to-
 tam suam eloquentiam atque peri-
 tiam ostendunt; vt propterea non im-
 merito affirmari possit, in ea omnia
 rectè viuendi præcepta, & totius Chri-
 stianæ perfectionis summam contine-
 ri. Siue enim aliquis contritionis gra-
 tiam quærit, & errata vitæ præteritæ
 deflere concupiscit; vnde eam rectius
 petet, quam ab eo, qui quantum esset
 in peccato mortali miseriæ & calami-
 tatis

DEDICATORIA.

tatis pondus, inæstimabili pro illius
 expiatione, litro persoluto, demon-
 stravit? aut vnde spem veniæ melius
 concipiet, quam ex sanguine totius
 mundi scelera abluete, qui in illa pro-
 fusus est? Siue virtutum studiis insistit;
 vnde earum exempla rectius sumet,
 quam ab eo, qui cum esset omniū vir-
 tutum perfectissimum speculum, in
 Passione tam illustria nobis virtutum
 documenta reliquit, vt maiora nemo
 cogitatione consequi valeat? Quæ e-
 nim profundior humilitas Christi de-
 missione, qui cum esset Angelorum
 atque hominum dominus, ac supre-
 mus totius mundi moderator, modò
 nō hominibus adæquari, verum etiam
 illis inferior haberi, opprobrium ho-
 minum & abiectio plebis effici, ver-
 mis & nō homo reputari voluit? Quæ
 obedientia promptior, ea quam Chri-
 stus in rebus difficillimis primum
 præstitit Deo patri, cui vsque ad mor-
 tem & mortem Crucis omnium ig-
 nominiosissimam obediens factus est,
 & ne perderet obedientiam vitæ ia-
 cturam facere non recusauit: deinde

EPISTOLA

Matri & Patri nutritio: demum ipsis
etiam tortoribus, quibus alacriter siue
vestes exuendæ, siue manus, pedes, aut
aliud quoduis corporis membrum ad
supplicia porrigendum esset, paruit?
Quæ fortior & diuturnior patientia,
Christi æquanimitate, in tolerando,
quicquid cōgerere posset superbia in
cōuitijs, petulantia in derisionib⁹, cru-
delitas in supplicijs? Quæ nudior pau-
pertas, ea quā Christus in se expressit,
qui tanta rerū omniū penuria pressus
fuit, vt non haberet vile linteum, quo
nuditatē suam in Cruce contegeret;
non aquæ guttā, quæ ardentissimam si-
tim restingeret, & corpus propter sā-
guinis profluvia exuccū restauraret;
non lectulū, aut cervical aliud, præter-
quā durum Crucis lignū, in quo caput
suum spinis sauciatū reclinaret? Et ne
in percensendis singulis virtutibus im-
morer, quæ caritas omnibus numeris
absolutior, ipsius dilectione, qui non
tantū amicitia sibi coniunctos, verū
etiam iuratissimos hostes, alienissimo
à se animo existentes, summo amore
prosecutus est, & non pro inimicis sed
pro a-

DEDICATORIA.

pro amicis reputauit, vsq; adeò etiam, vt quo plura ipsi in eum tormenta cõgeregabāt, eò magis amore in illos exardesceret, & maioribus benefactis cumulareret. Siue denique amoris feruorẽ & valida ad effectum inflammandum incitamenta quis desiderat; vnde maiorẽ cœlestis dilectionis flammã hauriet, quam ex Christi Passione, quæ luculentas amoris scintillas vibrat? Quẽ enim non inflammet amor ille quo Christus nos tantoperẽ dilexit, vt etiã mora cruciatus illius, quo salutẽ hominibus erat allaturus, vehemẽter angeretur, & summa mœstitia conflictaretur, vsq; eo, dũ sanguine suo humanorum animorum sordes ablueret? Quẽ non succendant vulnera illa toto numero, tam densa, tã patula, pro hominibus redimendis excepta, quæ torrentes vastos cœlestium flammaram fundunt? Cuius cor non exurat charitas illa, qua Christus Seruator, non pro amicis sed inimicis mortem, eamque omnium, quæ cogitari possit, contumeliosissimam alacriter opperijt?

Cũ igitur tota simul Christianæ

Religio.

* 4

EPISTOLA

Religionis perfectio in sola Christi
 Passione contineatur, operæ pretium
 me facturū putavi, si Commētarium
 quod de eiusdem Passionis Mysterijs,
 vir Religiosiss. & Eruditiss. R. P. DO-
 MITIVS PLATVS, Societatis IESV
 Theologus (celeberrimi illius R. P.
 Hieronymi Plati, qui de bono status
 Religiosi, opus insigne & nunquam
 satis laudatum conscripsit, vt profes-
 sione & doctrina, ita genere quoque
 & natura frater:) recenter Italica lin-
 gua ediderat, & noua methodo diges-
 serat, in latinum idioma conuerterē,
 & si Superioribus meis ita visum fuisset,
 prelo permitterem. Neque diu mi-
 hi deliberandum fuit, cui, iuxta rece-
 ptam nostri seculi consuetudinem, la-
 borem hunc qualemcunque inscribe-
 rem: nam ad Illustriss. Dominationē
 Tuam, validi quidam affectus, non
 modò, quasi manu arrepta deduce-
 bant, verum etiam violenter arripie-
 bant, quibus nisi parerem, planè insen-
 sibilis videri possem. Inuitabat enim
 me primum nominis ac familiæ Tuæ
 splendor, quem à maioribus acceptū,
 mirifi-

DEDICATORIA.

mirificè virtutum tuarum gloria illustrasti, & quantū familiæ decus, ad vitæ institutionem, & virtutis occasionem momenti adferat, ostendisti: vt nimirum hunc nominis tui splendorem, in hac communi flagrantis inuidiæ flamma, à qua magni & fortes conatus rarò liberi sunt, obtrectatorum ambitioni & calumnijs opponerem. Deinde virtutum tuarum admiratio, quæ in Te, quam magnæ, tam multæ: & quam raræ, tam ferè cunctis caræ sunt: ob quas non modò alijs Principibus & Magnis viris, verum etiam acerrimo bonorum ingeniorum æstimatori HENRICO IIII. Franciæ & Nauarrhæ Regi Christianissimo &c. qui te intimorum suorum numero adscripsit, semper placuisti, & placebis. Tum amabilis illa morum facilitas & animi moderatio, quæ in magna potentia & libertate rara est: eximius quoque, quod in maximis donis numerandum est, erga Catholicam religionem zelus; in Apostolicam Romanam sedem reuerētia; ad pietatem piorumque librorum lectionem,

* 5

inter tot

EPISTOLA

inter tot curas publicas, quibus multorum tranquillitati consulis, affectio: quæ præcipua causa fuit, quamobrem Tibi piarum rerum amatori, earumque studioso inuestigatori, pias hæc de rebus pijs Meditationes dicarem. Denique singularis amor, quo tū Monasterium nostrum, tum vniuersum Carthusianum ordinem, speciatim Matrem nostram Carthusiam complecteris: quem cum ipse partim ex crebris tuis sermonibus, partim alijs euidentibus ex signis exploratum habeam, magna ingratitude nota mihi meritò inuri posset, si non aliquod saltem grati animi, cùm facultas adesset, indicium ostenderem. A te igitur **ILLVSTRIS-
SIME ET GENEROSISSI-
ME CAROLE** Marchionum decus, etiam atque etiam peto, vt qua me humanitate, aliàs prosequi solitus es, eadem hosce labores meos, qui tua potissimum nixi auctoritate in publicum prodeunt, suscipias, & complectaris; neque tam quid Amplitudini Tuæ conueniat, quam quid à me præstari possit expendas: quod si feceris,
summo

DEDICATORIA.

summo me beneficio affectū putabo.
Vale ILLVSTRISIME DOMINE, &
mihi, domui nostræ, vniuersoque Or-
dini nostro, ita vt facis fauere perge.
Nos interim DEVM immortalem
precabimur, vt te Reipubl. Christianę,
regno Gallico, subditisque tuis, lon-
gæuum & incolumem seruet. Ex Car-
tusia Coloniensi. Idibus Mart. Anno à
partu Virginis. M. DC. X.

Illustriß. & Generosiß. Dom. Tuæ

seruus & humilis cliens

*Fr. Antonius Dulcken
Cartusianus.*

APPRO-